

二經同卷

千二

毗婆尸佛經卷上

毗婆尸佛經卷下

毗婆尸佛經卷上

朝散大夫試鴻臚卿明教大師臣法天奉詔譯

爾時佛告諸苾芻於過去劫有大國王名滿

乙

畢刊

度摩有一太子名毗婆尸久處深宮思欲出
游告御車人瑜譏言與我如法安置車馬今
欲出外游觀園林瑜譏聞已即往廐中安置
車馬控

太子前乘之出外見一病人太子曰云何此
人顏貌羸瘦氣力劣弱瑜譏答言此是病人

太子曰云何名病瑜譏答言四大假合虛幻
不實稍乖保調即生苦惱此名為病太子曰
我能免不瑜譏答言俱同幻體四大無別如
失保調亦不能免太子聞之情思不悅即迴
車馬却至王宮端坐思惟病苦之法真實不
虛心無安隱

爾時世尊而說頌曰

毗婆尸太子 游觀於園林 忽見病患者

形色而憔悴 即問御車人 太子亦難免

端坐自思惟 病苦而無謬

爾時世尊說此偈已告苾芻言時滿度摩王

即問瑜譏云何太子出迴不悅瑜譏答言太

子出外游觀園林見一病人形色瘦惡心神

不安太子不識問言何人瑜譏答言此是病

人又復問言我能免不瑜譏答言俱同幻體

四大無別如失保調亦不能免太子聞已即

迴車歸當思惟病法是故不樂時滿度摩王

聞是事已憶念往日相師之言若得在家即

紹灌頂輪王之位若或出家信樂修行而成

佛果如是念已即於宮內施設種種上妙五

欲娛樂太子令彼愛著斷出家意

爾時世尊而說頌曰

滿度摩父王 知子游觀迴 身心而不樂

恐彼求出家 即以上妙樂 色聲香味觸

悅於太子情 今後紹王位

爾時世尊說此偈已告苾芻言時毗婆尸太子告瑜誠言與我如法安置車馬今出城外游觀園林瑜誠聞已即往廡中安置車馬控太子前乘之出城見一老人鬚髮皓白身心昧劣執杖前行呻吟無力太子曰此是何人

十二

二

引

爾時世尊而說頌曰

毗婆尸太子 忽見一老人 鬚髮皆皓然 執杖乏氣力 入定審思惟 一切有為法 剎那而不住 無有免斯者

爾時世尊說此偈已告苾芻言滿度摩王見太子不樂問瑜誠言我子云何情不樂耶瑜

誠答言太子出外見一老人太子曰此是何人瑜誠答言此是老人太子又問云何名老瑜誠答言五蘊幻身四相遷變始自嬰兒童子不覺長盛老年眼暗耳聾身心衰朽名之為老

太子曰我還免不瑜誠答言貴賤雖異幻體無別日往月來亦須衰老太子聞已不樂而歸入定思惟實無免者所以不悅王聞是事憶念往昔相師之言若得在家必作輪王若也出家必成佛果

爾時滿度摩王如是念已復以五欲妙樂娛悅太子令彼愛著斷出家意

十二

三

爾時世尊而說頌曰

滿度摩父王 見子心不悅 憶昔相師言 恐彼求出家 即以妙五欲 種種悅其心 如彼天帝釋 受樂歡喜園

爾時世尊說此偈已告苾芻言時毗婆尸太子告瑜誠言與我如法安置車馬今欲出外

游觀園林瑜誠聞已即往廐中安置車馬控
太子前乘之出外見有多人圍繞車輿舉聲
大哭

太子曰此是何人瑜誠答言此是死相太子
曰云何名死瑜誠答言人生浮世壽有短長
一旦乖離氣絕神逝末別恩愛長處荒郊眷

屬悲啼此名為死太子曰我能免不瑜誠答

言三界無安未逃生死太子之身亦不可免
太子聞已身心不悅迴車歸宮入定思惟無

常之法不可愛樂我今云何得免斯苦

尔時世尊而說頌曰

毗婆尸太子 見彼命終人 即問御車者

無能免斯苦 獨坐自思惟 真實而不謬

我身復云何 得免無常患

尔時世尊說此偈已告苾芻言滿度摩王問

瑜誠言太子云何而不樂耶瑜誠答言太子

出城見一死人問言此是何人瑜誠答言此

是死相

太子曰云何名死瑜誠答言人生浮世壽有
短長一旦乖離氣絕神逝末別恩愛長處荒
郊眷屬悲啼名之為死太子曰我能免不瑜
誠答言三界無安未逃生死不可免也太子
聞已迴車歸宮入定思惟實無免者是以不
樂王聞是事憶念昔日相師之言若得在家

必作輪王若是出家必成佛果復以五欲之

樂娛悅太子令彼樂著捨出家意

尔時世尊而說偈言

滿度摩國王 毗婆尸太子 見彼命終人

嗟嗟而不悅 王以上妙樂 色聲香等境

娛悅令愛著 捨離出家意

尔時世尊說此偈已告苾芻言時毗婆尸太

子告瑜誠言與我如法安置車馬今欲出外

游觀園林瑜誠聞已即往廐中安置車馬控

太子前乘之出外見一苾芻剃除鬚髮身被

袈裟

太子曰此是何人瑜誠答言此是出家人太

子曰云何名出家人瑜誠答言悟老病死入
解脫門行忍辱慈悲求涅槃安樂求別親愛
願作沙門名出家人太子聞已歡喜至前善
哉善哉行慈悲忍辱平等善法能皆塵勞趣
求安樂我亦願為言已歸宮即發信心行出
家法作沙門相

尔時世尊而說頌曰

太子出王城	游觀諸園苑	忽見老病人
及彼無常者	念念不久停	恒受種種苦
復觀出家人	剃除於鬚髮	服壞色袈裟
進止身儀雅	常行平等慈	忍辱諸善法
是故求出家	棄捨五欲樂	父母并眷屬

國城諸珍寶 即作沙門相 忍辱自調伏

息除貪愛心 勤求解脫樂

尔時世尊說此偈已告苾芻言滿度摩城八
萬人眾見毗婆尸捨父王位出家剃髮為沙
門相而各思惟太子上族棄捨五欲而修梵
行我等今者宜亦出家彼八萬人如是思已

十三

五 咸

即時出家為沙門身

尔時世尊而說頌曰

大智最上人 其數有八萬 隨順毗婆尸

出家修梵行

尔時世尊說此偈已告苾芻言時毗婆尸善
薩既出家已與彼八萬人離自國城遊行諸

處至一聚落結夏安居過是夏已而自思惟
我今云何如迷醉人遊行諸處作是念已心
得清淨至本住舍於夜分中復自思惟我今
何用世間富貴眾生愛著輪迴生死苦蘊相
續無有窮盡又復思惟此老死苦因何緣所
生而得老死入三摩地諦觀此法從生支有
又復思惟此生苦因何緣所生入三摩地諦
觀此法從有支有又復思惟此有苦因何緣
所生入三摩地諦觀此法從取支有
又復思惟此取苦因何緣所生入三摩地諦
觀此法從愛支有又復思惟此愛苦因何緣
所生入三摩地諦觀此法從受支有又復思

惟此受苦因何緣所生入三摩地諦觀此法從觸支有

又復思惟此觸苦因何緣所生入三摩地諦觀此法從六入支有又復思惟此六入苦因何緣所生入三摩地諦觀此法從名色支有又復思惟此名色苦因何緣所生入三摩地

諦觀此法從識支有又復思惟此識苦因何緣所生入三摩地諦觀此法從行支有

又復思惟此行苦因何緣所生入三摩地諦觀此法從無明支有如是無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲

苦惱如是集成一大苦蘊

亦時毗婆尸菩薩又復思惟此老死苦因云何得滅入三摩地諦觀此法生滅則老死滅又復思惟此生苦因云何得滅入三摩地諦觀此法有滅則生滅又復思惟此有苦因云何得滅入三摩地諦觀此法取滅則有滅又

十二

六

成

復思惟此取苦因云何得滅入三摩地諦觀此法愛滅則取滅

又復思惟此愛苦因云何得滅入三摩地諦觀此法受滅則愛滅又復思惟此受苦因云何得滅入三摩地諦觀此法觸滅則受滅又復思惟此觸苦因云何得滅入三摩地諦觀

此法六入滅則觸滅

又復思惟六入苦因云何得滅入三摩地諦觀此法名色滅則六入滅又復思惟名色苦因云何得滅入三摩地諦觀此法識滅則名色滅又復思惟此識苦因云何得滅入三摩地諦觀此法行滅則識滅又復思惟此行苦

因云何得滅入三摩地諦觀此法無明滅則行滅如是無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅如是一苦蘊而自不生

尔時世尊而說頌曰

毗婆尸菩薩 思惟老死苦

以智推彼因

何緣何法生

入定審諦觀

知從生支起

乃至行苦因

知從無明有

復觀從何滅

無明滅行滅

乃至老死盡

苦蘊悉皆無

尔時世尊說此偈已告苾芻言時毗婆尸菩薩

薩復觀色受想行識生滅不住如幻如化無有真實智觀現前業習煩惱一切不生得大

解脫成正等覺

尔時世尊而說頌曰

毗婆尸菩薩

復觀蘊等法

入彼三摩地

智觀現前時

惑苦業習氣

一切皆不生

如飄塊羅綿

刹那不可住

成就佛菩提

涅槃吉祥果

如月大圓明

光徧十方界

尔時世尊說此偈已告苾芻言時毗婆尸先

在因位一疑自身猶如迷醉二疑貪等煩惱

展轉增多如是思惟緣生之法得大解脫

尔時世尊而說頌曰

彼佛如來身

難成能得成

觀察緣生法

復斷貪瞋癡

究竟於彼岸

成就大解脫

如日在山頂

徧照於一切

毗婆尸佛經卷上

毗婆尸佛經卷下

三藏法師法天奉詔譯

尔時世尊說此偈已告苾芻言時毗婆尸佛

既成道已即作是念我於何處先應說法利

益有情諦觀思惟滿度摩王所都大城人民

熾盛機緣純熟作是念已即從座起整衣服

手執應器次第行乞往滿度摩城詣安樂鹿

野園中暫住止息自在無畏

尔時世尊而說偈曰

二足正徧知

自在行持鉢

安住鹿野園

無畏如師子

尔時世尊說此偈已告苾芻言時毗婆尸佛